



UNIVERSITÄTS-  
BIBLIOTHEK  
PADERBORN

**Series Episcoporum Archiepiscoporum Et Electorum  
Moguntinorum, Trevirensium Et Coloniensium**

**Kolb, Gregor**

**Rottwilae, 1725**

**VD18 12054054**

Reverendissime Ac Perillustris Domine Patrone Perquam Gratiose.

---

[urn:nbn:de:hbz:466:1-64326](https://nbn-resolving.org/urn:nbn:de:hbz:466:1-64326)



REVERENDISSIME  
AC PERILLUSTRIS  
DOMINE PATRONE

Perquam Gratiose,

**N**ec parva, nec pauca sunt, quæ Superi concesserunt tibi munera; virtus nimirum, doctrina & eximiae naturæ dotes, quibus emines, te Cathedralis Ecclesiæ non unius tantum favoribus, & plurimorum affectu, ac veneratione dignum faciunt. Quidquid illi in alios dispersum vident, in te uno collectum prædicant, vel ipso etiam corpore tuo animi majoris magno teste; ut aded spei publicæ pars magna quiescat in te, in cujus virtute, prudentia & singulari humanitate Magnates exemplum suspiciunt; inferiores verò fortunarum suarum ac necessitatum meritò Tutorem agnoscunt. Dum in Ecclesia Canonicus versaris, ita te geris, ut natus factus Ecclesiæ videaris; quamvis te Sæculum longo tempore sit visum invidere, seriùs quàm par est, liberum tibi ex foro in chorum concedens tran-

litum. Pluribus non audeo onerare modestiam tuam, quæ silentii præceptum ita meo imposuit calamo, ut nec de tuis virtutibus, nec de avitæ Familiæ Sickingianæ dotibus plura liceat scribere; mavis nimirum ex norma virtutis vivere, atque adè laudes mereri, quàm laudari. At hoc ipsum inter multa alia novo est argumento, ut non verear te Synopsis Historicæ meæ Patronum appellare; modestiam enim hanc tuam singularem cum pluribus perspectam habeam, & Historiæ, præsertim Sacræ, cùm æstimatorem eximium te esse abundè intelligam. à Reverendissimo nomine tuo aliquam illi commendationem obtineri posse confido; judicabunt namque periti, esse aliquid in hoc tenui compendio, quod legi mereatur, cùm tuum sua in fronte nomen præferat. Privata mea nomina, quibus jam à pluribus annis me tibi, univèrsæque, verè Perillustri Familiæ tuæ devinctum profiteor, tacitus prætereo; cùm dignè me illis respondere non posse lubens confitear. Deus Optimus Maximus, Pientissimus votis meis id tribuat, ut diuturna cum incolumitate in te eximia hæc decora tua pluribus incrementis augeat, & ad tuam pariter totiùsque Ecclesiæ felicitatem consummet. Ita cum omnibus bonis ardentissimè exoptat

REVERENDISSIMÆ AC PERILLUSTRIS  
DOMINATIONIS TUÆ

Servorum infimus

Gregorius Kolb, S. J.